

ZAJEDNIČKI KORACI KA SPAŠAVANJU AKUMULACIJE MODRAC

Centar za ekologiju i energiju je uz podršku Fondacije Heinrich Böll, Ured za Bosnu i Hercegovinu, 24.10.2013. godine u Lukavcu organizirao Okrugli sto "Spasimo akumulaciju Modrac", na kojem je prisustvovalo preko 50 predstavnika različitih kantonalnih i općinskih institucija, univerziteta, zagađivača, organizacija civilnog društva, Arhus centra iz Tuzle i medija.

Osiguranje dugoročne i cjelovite zaštite akumulacije Modrac je bila centralna tema skupa.

Na Okruglom stolu je javno prezentiran dokument: Uticaj otpadnih voda iz rudnika uglja na akumulaciju Modrac. Predstavnici Vlade TK, općina Tuzla, Živinice i Lukavac, JP Spreča i Kantonalne uprave za inspekcijske poslove su prezentirali trenutne i naredne dogovorene aktivnosti planskog upravljanja vodama, koje za cilj imaju dostizanje prihvatljivog kvaliteta vode vodotoka u slivu akumulacije Modrac i kvaliteta vode akumulacije Modrac.

Uz iznošenje aktuelnih problema i konstruktivnu diskusiju zaključeno je:

- ❖ Zaštita akumulacije Modrac je strateški cilj za dalji razvoj kantona i zato je neophodno prioritetno raditi na smanjenju njenog zagađenja
- ❖ Pokrenut je niz aktivnosti u cilju zaštite i poboljšanja kvaliteta vode akumulacije Modrac najznačajnijeg i najvećeg višenamjenskog vodnog resursa za Kanton i FBiH
- ❖ Puštanjem u rad Pogonskog laboratorija za monitoring kvaliteta vode akumulacije Modrac uspostavlja se kontinuirani monitoring kvaliteta vode akumulacije Modrac, kao i vodotoka koji se direktno ulijevaju u Akumulaciju
- ❖ Neophodno je dogovoriti sastanak sa predstavnicima Federalne uprave za inspekcijske poslove sa ciljem iniciranja uspostavljanja kontinuiranog monitoringa otpadnih voda od strane najvećih zagađivača u slivu Akumulacije ili prenošenja nadležnosti nadzora sa federalnog nivoa na kantonalni.
- ❖ Poželjno je zajedničko, koordinirano i odgovorno djelovanje inspekcija, predstavnika kantonalnih i općinskih vlasti, organizacija civilnog društva, medija i građana.
- ❖ Neophodno je u kontinuitetu organizirati ovakve skupove na kojim će sve relevantne institucije međusobno razmjenjivati informacije o napretku procesa zaštite akumulacije Modrac i dogovarati nastavak daljeg zajedničkog djelovanja.

Predstavnici OCD, koji rade na zaštiti akumulacije Modrac, će pratiti nastavak dijaloga između predstavnika vlasti i zagađivača, nastaviti će svakodnevno obilaženje i fotografisanje rijeka u slivu i akumulaciju Modrac, pratiće rezultate aktivnosti koje za cilj imaju zaštitu i poboljšanje kvaliteta vode akumulacije Modrac i o tome informirati javnost.